

新刊經進詳註昌黎先生文集

新刊經進詳補註昌黎先生文集三十八卷

表狀

代韋相公讓官表

補註韋貫之也按憲宗紀元和九年十一月戊辰尚書右丞韋貫之同中書門下平章事公時以考功郎中知制誥為之貫之父肇不附元載死謚以正貫之不詣李寶亦謚正貫之子渙不肯見高元祐以御史而取貪競亦謚正史臣三

世謚正改功無愧信矣

臣某言伏奉今日制命以臣為尚書右丞同中

書門下平章事

時白居易在中書制曰周宣漢

丙咸克致理号为中興朕嗣位以來永監前列惟是賢俊寤寐求思歷選周行乃獲時在宜以

政柄舉而授之某官韋貫之溫重明正國之公
 器當官必守臨事能辨簡在朕心於今累年乃
 者擢居諫司以觀其直出司符付以觀其體歷試必
 之劇務以觀其用訪之大政以觀其體歷試必
 中衆望允屬倚之為相僉曰宜哉可中書門下
 平章事夫臣事君以忠后從諫則聖靡不有始
 鮮克有終理化不成恒由於此今我與爾永終
 是圖雖休勿休以臻其極嗚呼二宣之業吾有
 焉非常之寵忽降於上天不次之恩遽屬於庸

品宋沈休文奏承命震駭心神靡寧願已慙覲

手足失措臣某誠惶誠恐頓首頓首臣本非長

才又乏敏識學不能通達經訓文不足緣飾吏

事徒知立志廉謹絕朋勢之交處官恪恭免請

託之累因緣資序驟歷臺閣通典曰龍朔二年

改門下省為東臺

中書省為西臺咸亨初復舊武后光宅初改門
下省為鸞臺中書省為鳳閣神龍初復舊尔

蒙生成於天地無裨補於消塵忝冒以居涯分
遂極常以盈滿自誠方思退處里閭何意思澤
益深猥令超叅鼎鉉鼎卦上九之文曰鼎
王鉉大吉無不利竊自
惟度實不堪任臣某誠惶誠恐頓首頓首臣聞
宰相者上熙陛下覆燾之恩下遂群生性命之
理以正百度以和四時澄其源而清其流統於
一而應於萬毫釐之差或致弊於累海畧刻之
悞或遺患於歷年固宜旁求隱士必得能者然
後授之不可輕以付臣使人失望上累聖主知

人之哲下乖微臣量已之義無補於理有妨於
賢況今俊乂至多耆碩咸在苟以登用皆踰於
臣伏乞特迴所授以示至公之道天下幸甚本
又天下
甚幸

代宰相賀雪表

補唐憲宗元和十年二月自冬不雨至
于是月丙午雪公時以改功郎知制誥
代宰相武元衡張洪
靖韋貫之等為之

臣某言臣伏以去歲冬間雨雪頗少今年春首
宿麥未滋陛下深念黎甿屢形詞旨神鑒昭達
皇情感通春雲始繁時雪遂降實豐穰之嘉瑞

銷癘疫於斯年一作新東作可期南畝有望此皆
陛下與天合德視人如傷每發聖言則獲靈貺
見天人之相應知朝野之同懽臣等職在燹和
慙無効用覩斯慶澤實荷鴻休

進順宗皇帝實錄表狀二首

按李吉甫以元和八年正月拜相九年
十月夢奠而公以八年十二月改考功郎中
知制誥共去八年十一月臣在史職
者謂元和八年十一月也李吉甫謹重
其事欲更研討此及身歿尚未加功目
於吉甫宅取得舊本自冬及夏刊正方
畢則是九年吉甫歿後公於其家取得
舊本自其年冬至十年冬刊正方畢後
狀州胃去月二十九日進前件實錄者

十年四月或五六月也今月四日辛巳
宣進止去公則是公於其月再加刊正
矣備註舊史公傳曰時謂愈有史筆及
撰順宗實錄繁簡不當叙事拙於取捨
頗為當代所非穆宗文宗嘗詔史臣添
改時愈婿李漢蔣係在顯位諸公難之
而韋處厚竟別撰實錄三卷按公此狀
去李韋所撰未周悉令日重修而舊傳
反謂公所撰不當處厚卒別撰誤矣然
新史亦去自愈為順宗實錄議者闕然
不息卒竄定無全篇何哉按路隋傳文
宗以隋之言條示其謬誤者付史官刊
定有詔隨正元永正間數事為失實余
不復改由是觀之則公於元和十年夏
進此實錄後才一刊正是文宗朝所特
改者正元永正間數事尔舊史以為韋
處厚別撰而新史亦謂之竄定無全篇
者非也温公考異云實錄有七本皆五
卷皆去愈撰詳略不同編次若兩存之
然則後世取捨安所折衷乎惟公之信

而已此所以
以來據無遺也

臣愈言今之所以知古後之所以知今不可口
傳必憑諸史自雖二帝三王之盛若不存紀錄
則名氏年代不聞于茲功德事業無可稱道焉
順宗皇帝以上聖之姿早處儲副晨昏進見必
有所陳二十餘年未嘗懈倦陰功隱德利及四
海及嗣守大位行其所聞順天從人傳授聖嗣
陛下欽承先志紹致太平原本推功實資撰次
去八年十一月臣在史職監修李吉甫授臣以
前史官韋處厚所撰先帝實錄三卷去未周悉

令臣重修臣與修撰左拾遺沈傳師補註見新史

劉知幾傳直館京兆府咸陽縣尉宇文籍等補註見新史

夏龜舊史載之甚詳而新史畧之共加採訪并尋檢詔勅修成

順宗皇帝實錄五卷削去常事著其繫於政者

比之舊錄十益六七忠良姦佞莫不備書苟關

於時無所不錄吉甫慎重其事欲更研討以及

身歿比音眠志切尚未加功臣於吉甫宅取得舊本

自冬及夏刊正方畢文字鄙陋實懼塵玷謹隨

表獻上臣愈誠惶誠恐頓首頓首謹言

又

右臣去月二十九日進前件實錄今月四日宰
臣宣進止其間有錯誤令臣改畢却進舊本者
臣當修撰之時史官沈傳師等採事得於傳聞
銓次不精至有差悞聖明所鑒毫髮無遺恕臣
不逮重令刊正今並添改訖其奉天功烈更加
尋訪已據所聞載於首卷儻所論著尚未周詳
臣所未知乞賜宣示庶獲編錄永傳無窮一本
謹奏聞

代裴相公讓官表

本傳云元和初遷監察御史論權嬖
切出為西川節度府書記六年拜中書

舍人久之進兼刑部侍郎帝益信仗及
對廷英即拜為相由是內外始安而計
賊益急開裴度為中書侍郎同中書門
下平章事公時為考功郎知制誥代其
為此曰乃在戎幕為河南府功曹參軍
為武元衡西川節度掌書記也曰侍從
郎知制誥拜中書侍郎起居舍人以司封
刑侍時王承宗李師道伏盜京師害宰
相武元衡擊裴度傷首而免議者歿罷
度以安二鎮反及帝怒曰度得全天也
若罷之是拜度為相故曰領臺綱破三賊
矣於是拜度為相故曰領臺綱破三賊
云云也其後平淮
蔡十二月十日

臣某言伏奉今日制書以臣為朝議大夫守中
書侍郎同中書門下平章事承命驚惶魂爽飛

越

晉劉琨之言
神也越揚也

府仰天地若無所容

晉陸士衡謝表

之臣某誠惶誠恐頓首頓首臣少涉經史粗知
古今天與朴忠性惟愚直知事君以道無憚殺
身慕當官而行不求利己人以爲拙臣行不疑
元和之初始拜御史旋以論事過切爲宰臣所
非出官府庭乃佐戎幕陛下恕臣之罪憐臣之
心拔居侍從之中遂掌絲綸之重受恩益大顧
已愈輕苟耳目所聞知心力所追及少關政理
輒以陳聞於裨補無涓埃之微而讒謗有丘山
之積陛下知其孤立賞其微誠獨斷不謀獎待

踰量臣誠見陛下具文武之德有神聖之姿啓
中興之宏圖當太平之昌曆勤身以儉與物無
私威怒如雷霆容覆如天地實群臣盡節之日
才智効能之時聖君難逢重德宜報苦心焦思
以日繼夜苟利於國知無不爲徒欲竭思未免
妄作陛下不加罪責更極寵光既領臺綱又毗
邦憲聖君所厚堯逆所讎關於防虞幾至斃跡
時盜殺武元衛幾中恩私曲被性命獲全忝累
度見捕賊行賞狀祖先玷塵班列未知所措只自內慙豈意陛下
擢臣於傷殘之餘委臣以燮和之任忘其陋汚

使佐聖明此雖成湯舉伊尹於庖厨史記伊尹名阿衡欲

干湯而無由乃為有莘氏媵臣負鼎俎以滋味

說湯致於王道離騷天問注云伊尹始仕因煎

烹鵠鳥之羹脩飾王鼎以高宗登傳說於版築

事湯湯賢之遂以為相

見感二周文用呂望於屠釣史記太公望呂尚者東海人蓋常窮

鳥賦因年老矣以漁為干周西伯伯將出關卜之

曰所獲非龍非驤非虎非羆所獲伯王之輔於

是獵果遇太公當有聖人適周周以興子真是邪

先君太公曰當有聖人適周周以興子真是邪

吾太公望天子久矣故号曰太公望載與俱歸立

為師楚辭天問注云呂望鼓刀在列肆文王親

往問之呂望對曰下屠屠牛齊桓起甯戚於飯

上屠屠國文王喜載與俱歸齊桓起甯戚於飯

牛楚辭美人云聞百里之為虜兮伊尹烹於商

武與桓鐸兮世孰云而雪耻蒙光去辱居貴以

知之甯戚見上李巽書雪耻蒙光去辱居貴以

今準古擬議非倫陛下有四君之明行四君之事微臣無四子之美獲四子之榮豈可叨居以彰非據方今干戈未盡戢夷狄未盡賓麟鳳龜龍未盡游郊藪草木魚鼈未盡被雍熙當大有爲之時得非常人之佐然後能上宣聖德以代天工如臣等類實不克堪伏望博選周行旁及巖穴天生聖主必有賢臣得而授之乃可致理乞迴所授以叶群情無任懇款之至

代宰相賀白龜表

代蔡時李道古為鄂岳觀察使補註謂龜為蔡者案家語孔子問漆雕選事

鄂岳觀察使所進白龜右今日某宜進止示臣
前件白龜者伏以禎祥之見必有從來物象既
呈可以推究古者謂龜爲蔡蔡者龜也今始入
賊地而獲龜者是獲蔡也論語曰臧文仲居蔡
包氏曰蔡國君守龜
出蔡地因以名焉
長尺有二寸白者西方之色刑戮之象也是
必擒其帥而得地也提挈而來生致闕下此象
既見其應不遙斯皆陛下聖德所施靈物來効
太平之運其在於今臣等謬列台衡親睹嘉瑞
無任抃躍之至

冬薦官勢侑狀

傳見使回鵬序備府以公薦為太常
博士使回鵬元和十二年見公送傳序

前天德軍都防禦判官承奉郎試大理評事兼

監察御史劾傳右伏准貞元五年一作三年六月十

一日勅停郎官御史在城者委常叅官唐志文
武官職

事九品以上及二王後朝胡望文武五品以上
及兩省供奉官監察御史負外郎太常博士日

叅號常每年冬季聞薦者前件官兼通三傳傍

習諸經注疏之外自有所得久從使幕亮直著

名朴厚端方少見倫比以臣所見堪任御史太

常博士臣所諳知不敢不舉謹錄奏聞伏聽勅

旨

進王用碑文狀

補註用憲宗舅京兆尹李愬其嫡用葬以元和十一年公時為右庶子

故檢校左散騎常侍兼右金吾衛大將軍贈工部尚書王用神道碑文右京兆尹李修是王用親表傳用男沼等意請臣與亡父用撰前件碑文者伏以王用國之元舅位望頗崇豈臣短才一作排所能褒飾不敢辭讓輒以撰訖其碑文謹錄本隨狀封進伏聽進旨其王用男沼與臣馬一疋并鞍銜白玉腰帶一條臣並未敢受領謹奏

謝許受王用男人事物狀

補遺其受王用男人事物類義所調諫
墓中人所得者義少好快久乃折歸
讀書能歌詩聞公善接天下士步歸之
作米柱雪車詩一旦居靈全孟郊右樊
宗師見拜之後以爭語不能下諸
公因持金去見李商隱集及新傳

某官某乙右一作某言今日品官唐國珍到臣宅

奉宣進止緣臣與王用撰神道碑文令臣領受
用男沼所與臣馬一疋并鞍銜及白玉帶一條
者臣士識淺薄詞藝荒蕪所撰碑文不能備盡
事跡聖恩引獎特令中使宣諭并令臣受領人
事物等承命震悚再欣再躍無任榮抃之至謹

附狀陳謝以聞謹奏

薦樊宗師狀

樊宗師公嘗薦樊于宰相素滋而未嘗爲
刺滋客公作此狀時樊佐鄭余慶于興
也元

攝山南西道節度副使朝議郎前檢校水部員
外郎兼殿中侍御史賜緋魚袋樊宗師 右件
官孝友忠信稱於宗族朋友可以厚風俗勤於
藝學多所通解議論平正有經據可以備顧問
謹潔和敏持身甚苦遇物仁恕有才有識可任
以事今左右史並闕員外郎侍御史亦未備員

若蒙擢授必有補益忝在班列知賢不敢不
謹錄狀上伏聽處分

舉錢徽自代狀

時為尚書刑部侍郎元和十三年十月
也
韓泰張惟素韋顗馬摠張正甫徽字蔚
章吳郡人為相靈敏詩主司奇之名
起者其父也徽
正元元年進士

朝散大夫守太子右庶子飛騎尉錢徽 右臣
伏准建中元年五月五日勅常參官授上後三
日內舉一人以自代者前件官器質端方性懷
恬淡外和內敏潔靜精微可以專刑憲之司叅

輕重之議況時名年輩俱在臣前擢以代臣必
允衆望伏乞天恩遂臣誠請謹錄奏聞謹奏

進撰平淮西碑文表

開此表元和十三年春所作時子厚
刺柳州有平淮夷雅二篇夢得刺連州
有平蔡州二首夢得嘉話拾遺言并八
駁平淮西碑云左狼右粥平淮夷雅云
云仰父俯子夢得云美上下之道盡矣
柳又云韓碑尚有帽子使我爲之便說
用兵討叛夢得云韓碑柳雅予爲詩云
城中晨鷄喔喔鳴城頭鼓角齊和平美
李翹之入蔡也又落句云始知元和十
二載四海重見外平時所以言十二載
者自以記淮西平之年夫憲宗討平僭
叛功亦多矣獨淮西九年赫然在人耳目
者韓碑柳雅劉詩盛行於時人讀之習
且熟也穆伯長曰韓元和聖德平淮西

柳雅章之類皆詞嚴文偉制述如經能
萃然僻唐德於威漢之表蔑愧焉者施
諸後代以佐唐之光
明信乎伯長之言云

臣某言伏奉正月十四日勅牒以收復淮西群
臣請刻石紀功明示天下爲將來法式陛下推
勞臣下允其志願使臣撰平淮西碑文者聞命
震駭心識顛倒非其所任爲媿爲恐經涉旬月
不敢措手竊惟自古神聖之君既立殊功異德
卓絕之跡必有奇能博辯之士爲時而生持簡
操筆從而寫之各有品章條貫然後帝王之美
巍巍煌煌充滿天地其載於書則堯舜二典夏

之禹貢殷之盤庚周之五誥於詩則立鳥長發
歸美殷宗清廟百工小二雅周王是歌辭事
相稱善并美具號以爲經列之學官置師弟子
讀而講之從始至今莫敢指斥嚮使撰次不得
其人文字曖昧雖有美實其誰觀之辭跡俱亡
善惡惟一然則茲事至大不可輕以屬人伏以
唐至陛下再登太平剗刮群姦掃洒疆土天之
所覆莫不賓順然而淮西之功尤爲俊偉碑石
所刻動流億年必得作者然後可盡能事今辭
學之英所在成列儒宗文師磊落相望外之則

宰相公卿郎官博士內之則翰林禁密游談待
從之臣不可一二一作遽數召而使之無有不
可至於臣者自知最爲淺陋顧貪恩待一作侍超
以就事叢雜乖戾律呂失次乾坤之容日月之
光知其不可繪畫強顏爲之以塞詔旨罪當誅
死其碑文今已撰成謹錄封進無任慙羞戰怖
之至

奏韓弘人事物狀

備註按淮西碑備錄韓弘
之功故有人事物之贈

奉勅撰平淮西碑文伏緣聖恩以碑本賜韓弘

等今韓弘寄絹五百疋與臣充人事未敢受領
謹錄奏聞伏聽進旨謹奏

謝許受韓弘物狀

臣某言今日品官第五文嵩至臣宅奉宣聖旨
令臣受領韓弘等所寄撰碑人事絹者恩隨事
至榮與幸并慙抃怵惕罔知所喻謝中伏以上贊
聖功臣子之職下霑群帥文字所宜陛下謙光
自居勸勵爲事各賜立功節將碑文一通使知
朝廷備錄勞効韓弘榮於寵錫遂寄縑帛與臣
於臣何爲坐受厚貺恩由上致利則臣歸慙戴

兢惶舉措無地無任感恩慙懇之至

新刊經進詳補註昌黎先生文集卷第三十八

新刊經進詳補註昌黎先生文集卷第三

表狀

論捕賊行賞表

唐史云王承宗李師道二鎮上疏請救
吳元濟使人白事書悖慢不恭宰相
武元衡叱去承宗怒數上章誣詆未幾
乃伏盜京師刺用事者元衡入朝出靖
安里第夜漏未盡賊乘暗呼曰滅燭射
元衡中宵復擊其左股徒御格鬪不勝
皆駢走遂害元衡批顙骨持去又擊裴
度墜溝賊意度死遂亡還司傳譟盜殺
宰相連十餘里達朝堂百官恟懼未知
主名少選馬逸還第中外乃審知時元
和十年六月癸卯也日仗入紫宸門
有司以聞帝震驚罷朝坐延英見宰相
哀慟為罷不食詔金吾府縣大索或傳
言曰無搜賊賊窮必亂又投書於道曰

無急我我先殺汝故吏卒不窮捕兵部
侍郎許孟容言於帝曰國相橫尸路隅
而盜不獲為朝廷辱帝乃下詔能得賊
者賞錢千萬授五品官與賊謀及舍賊
能自言者亦賞有不如詔族之積錢東
西市以募告者於是左神策將軍王士
則右威衛將軍王士平以賊聞捕得張
安等十八人言為承宗所遣皆斬之踰
月東都防禦使呂元膺執元衡青留郎賊
門察訾嘉珍自言始謀殺元衡者會晏
先發故藉之以告師道而竊其賞帝密
誅之補註新史王承宗李師道所書如
上所云公此狀未獲嘉珍前所上也故
云今下手賊等四分之內已得其三其
余兩人蓋不足計兩人謂嘉珍察士則
士平皆承宗諸父十二年蔡平王承宗
以十三年獻德棣二州朝廷赦其
罪師道以十四年二月伏誅云

臣愈言臣伏見六月八日勅以狂賊傷害宰臣

擒捕未獲陛下悲傷震悼形於寢食特降詔書
明立條格去有能捉獲賊者賜錢萬貫仍加超
授今下手賊等四分之內已得其三其餘兩人
蓋不足計根尋蹤跡知自承宗再降明詔絕其
朝請又與王士則士平等官八日之制無不行
者獨有賞錢尚未賜給群情疑惑未測聖心聞
初載錢置市之日市中觀者日數萬人巡繞瞻
視咨嗟嘆息既去復來以至日暮百姓小人重
財輕義不能深達事體但見不給其賞便以爲
朝廷愛惜此錢不守言信自近傳遠無由辨明

且出賞所以求賊今賊已誅斬若無人捉獲國家何因得此賊而正刑法也承宗何故而賜誅絕也士平士則何故與美官也三事既因獲賊獲賊必有其人不給賞錢實亦難曉假如聖心獨有所見審知不合加賞其如天下百姓及後代之人遠哉況今元濟承宗尚未擒滅兩河之地太半未收隴右河西皆沒戎狄所宜大明約束使信在言前號令指麾以圖功利況自陛下即位以來繼有不績斬楊惠琳收夏州斬劉闢收劔南東西川斬李錡收江東縛盧從史收澤潞

等五州威德所加兵不汚刃收魏博等六州致張
茂昭張愔收易定徐泗濠等五州創業已來列聖
功德未有能高於陛下者可謂巍巍赫赫光照前
後矣此由天授陛下神聖英武之德爲巨唐中興
之君宗廟神靈所共佑助勉強不已守之以信則
故地不足收而太平不難致如乘快馬行平路遲
速進退自由其心有所欲往無不可者於此之時
特宜示人以信孔子欲存信去食人非食不生尚
欲捨生以存信況可無故而輕棄也昔秦孝公用
商鞅爲相欲富國強兵行令於國恐人不信立三

丈之木於市南門募人有能徙置北門者與五十

金有一人徙之輒與五十金秦人以君言爲必信

法令大行國富兵強無敵天下商覲史記三丈之木

非難徙也徙之非有功也孝公輒與之金者所以

示其言之必信信字無也昔周成王尚小與其弟叔

虞爲戲削梧葉爲珪曰以晉封汝其曰史佚請擇

日立叔虞爲侯成王曰吾與之戲耳史佚曰天子

無戲言言之則史書之禮成之樂歌之於是遂封

叔虞於晉史記世家昔漢高祖出黃金四萬斤與陳平

恣其所爲不問出入令謀項羽平用金間楚數在

之間漢得天下論者皆言漢高祖深遠於利能

以金四萬斤至得天下

見前漢陳平傳

以此觀之自古

已來未有不信其言而能有大功者亦未有不

費小財而能收大利者也

一有臣於告捕

字賊之

人本無恩義彼雖獲賞了不關臣所以區區盡

言不避煩黷者欲令陛下之信行於天下也伏

望恕臣愚陋僻忝之罪而收其懇款誠至之心

天下之幸非臣之幸也謹奉表以聞臣愈誠惶

誠恐

公此狀未獲嘉珍察前所上也故云今下

不足計兩人謂嘉珍察也士則士平皆承宗諸

朝延赦其罪師道以
十四年二月伏誅

論佛骨表

舊史云鳳翔佛法門寺有護國真身塔塔
內有釋迦文佛指骨一節其書本傳法
三十年一開開則歲豐人泰十四年正
月上令中使杜英奇押宮人三十人持
香花赴臨臯驛迎佛骨百光順門入大
內留禁中三日乃送諸寺王公士庶奔
走捨施惟恐在後百姓有廢業破產燒
頂灼臂而求供養者愈素不喜佛上疏
諫疏奏憲宗怒甚間一日出疏以示宰
臣將加極法裴度崔群奏曰韓愈上件
華聽誠宜得罪然而乞稍賜寬容以來諫
黜責豈能至此伏乞稍賜寬容以來諫
者上曰愈言我奉佛太過我猶容之至
謂東漢奉佛之後帝王咸致夭促何言
之乖刺也愈為人巨敢尔狂妄固不可
赦于持人情難宥乃至國戚諸貴亦以

罪愈太重因事言之乃貶為潮州刺史
乘刺音來葛切皇甫湜送僧簡往潮州
序曰昌黎韓公既貶于潮浮屠之徒權
使以忤獨知實起訪子求序行以資適
潮不顧故山鱣水之險毒若將翻進見
而夕死者審如斯言亦可尚矣
馬考異云梁紀中大同三年三月幸同
泰寺典畧云詔以今月八日於同泰寺
設無遮大會舍身及以宮人洪養三寶
按佛骨表云三度舍身若此則四矣今
書從梁

臣某言伏以

一作

佛者夷狄之一法耳自後漢

時

舊史有始字

流入

中國上古未嘗有也

景祐錄云古無應世

綿歷無窮不可以局知而悉數故追談賢劫有千如來暨于釋迦牟尼佛流後一千一十七年教至中夏即後漢明帝永平十年戊辰也辨說云梁劉孝標注世說新語引劉向列傳序曰歷

觀百家之中以相檢驗得仙者百四十六人其
百佛經矣漢武故事曰是邪王殺休屠王以其
來降得金人之神上置之甘泉宮金人者
其國俗祀之此神全類於佛豈當漢武時其經
未行於中土而但以神明事之耶開皇歷代三
寶記六平帝世大夫劉向稱余覽典籍往見有
人定得一百四十六人其七十四人已見佛經
則知周時已有釋典秦雖焚除漢興復出也以
此考之佛像始至自武帝時佛經再顯自明帝
時而中國之昔者一無黃帝在位百年年一百
有佛尚矣
一十歲姓帝王世紀曰黃帝有熊氏少典之子姬
在位百年年少昊在位八十年年一百歲名摯
百一十歲
字青陽姬姓降居江水有聖德邑于窮桑以
帝位都曲阜即圖讖所謂白帝朱宣者也故稱

少昊金天氏左傳郊子曰我少昊摯之立是也而史遷乃以帝嚳娶嫫母氏生摯嚳崩而摯氏

立誤顓頊在位七十九年年九十八歲帝顓頊高陽黃

帝之子帝嚳帝嚳在位七十年年一百五歲帝嚳高辛

氏黃帝帝嚳帝堯在位九十八年年一百一十八歲

帝嚳娶陳鋒女生帝舜帝舜及禹年皆百歲帝舜黃

世孫禹為黃帝堯此時天下太平百姓安樂壽考然

而舊史無此時中國未有佛也其後殷湯亦年

百歲湯孫太戊在位七十五年武丁在位五十

九年書史不言其壽所極舊史有推蓋亦俱年

不減百歲太戊者成湯之玄孫廟號中宗武周

丁者盤庚弟小乙之子廟號高宗

六

文王年九十七歲武王年九十三歲穆王在位

百年武王名發文王之子此時佛法亦未至中

國非因事佛而至然舊史作也漢明帝時始有

佛法明帝在位纔十八年耳見送惠其後亂亡

相繼運祚不長宋齊梁陳元魏已下事佛漸謹

年代尤促宋永初元年至於梁元魏二年

陵王中興元年年凡二十三年梁天監元年年至

于孝宣大建十一年凡七十四年後魏惟梁武

帝在位四十九年前後三度捨身施佛宗廟之

舊史無祭不用牲牢盡舊史日一食止於菜菓

其後竟為侯景所逼餓死臺城國亦尋滅

建康錄

高祖武皇帝姓蕭名衍字叔達禪齊位大通元年創國泰寺于宮後帝幸寺捨身六月都下疫甚帝於重雲殿為萬姓設救苦齋以身為禱親御法衣清淨大捨九月癸卯群臣以億萬奉贖皇太子已下群臣出鐵億萬奉贖是夜同泰寺為天火所燒略盡太清元年東魏司徒濮陽侯景率河南十三州歸降壬午以景為大將軍封河南王大行臺承制如鄧禹故事己帝外光嚴殿講三惠經又捨身群臣以億萬奉贖眾僧嘿然丁亥服袈裟還宮二年八月侯景敗歸自壽陽舉兵攻陷宮城縱兵大掠帝為賊幽殺以取其位誅殺甚眾死之日侯景生焉後景亂梁破誅梁子弟略無孑遺時人以為景陳昏侯之後身也浮休錄云臺城寺在今陵城內北附城闔地也

事佛求福反

舊史更

得禍由此觀之佛不足事舊史亦可知矣高祖

始受隋禪則舊史議除之當時群臣材識舊史

見不遠不能深知舊史先王之道古今之宜推

闡明聖以救斯弊其事遂止臣常恨焉伏惟睿

聖文武皇帝陛下神聖英武數百千年已來未

有倫比即位之初不許度人為僧尼道士又不

許創舊史立寺觀臣常舊史以為高祖之志必

行於陛下之手今縱未能即行豈可恣之轉令

盛也今聞陛下令群僧迎佛骨於鳳翔御樓以

觀昇舊史入大內又令諸寺迺迎供養臣雖至

愚必知陛下不惑於佛作此崇奉以祈福祥也

直以年豐人樂徇人之心為京都士庶一有詭

異之觀戲翫之具耳安有聖明若此而肯信此

等事哉然百姓愚冥易惑難曉苟見陛下如此

將謂真心事佛皆云天子大聖猶一心敬信百

姓何人於佛更惜身命舊史百姓微賤於佛豈合惜身命故焚

頂燒指舊史為頂端指百十為群解衣散錢自朝至暮

轉相倣效惟恐後時老幼奔波棄其業次若不

即加禁遏更歷諸寺必有斷臂鬻身以為供養

者供養皆去齊讀傷風敗俗傳笑四方非細事也夫佛

本夷狄之人與中國言語不通衣服殊製口不

言先王之法言身不服先王之法服舊史作物不知

君臣之義父子之情假如其身至今尚在奉國

命來朝京師陛下容而接之不過宣政一見禮

賓一設宣政殿名禮賓鴻臚卿也周官大行人

贊寧九賓鴻臚齊也鴻臚傳也所以傳齊贊導賜衣

一襲單衣衛而出境舊史出之於境不令惑

衆也舊史貳況其身死已久枯朽之骨凶穢之

餘豈宜一作令入舊史宮禁孔子曰敬鬼神而

遠之古之諸侯行弔於其國尚令巫祝先以桃

刻袞除不祥然後進弔

禮記曰君臨臣喪以巫祝桃茢執戈惡之也鄭

氏云為有凶邪之氣桃茢者鬼所惡可以掃不祥左傳襄公二十九年公手楚巫以桃茢先故

殯楚人弗禁註云刻音列乘獲也故音弗桃者五木之精故能壓伏邪氣今無故取

朽穢之物親臨觀之

舊史無親字觀視之

巫祝不先桃茢

不用群臣不言其非御史不舉其失臣實耻之

乞以此骨付

舊史付之水

有司投諸水火永絕根本

斷天下之疑絕後

舊史代之前字

代之惑使天下之人知

大聖之所作出於尋常萬萬也豈不威哉豈不

快哉佛如有靈能作禍福凡有殃咎宜加臣身

上天監臨臣不怨悔無任感激懇悃之至謹奉

表以聞臣某誠惶誠恐

潮州刺史謝上表

潮州憲宗得表所謂宰臣曰昨得韓愈到
我豈不知然愈為人臣不當言人主事
佛乃年促也我是以惡其容易帝欲復
用愈故先語及觀宰臣之意而皇南鑄
惡其侑直恐復用乃率先對曰愈終太
任疎尔可量移一郡乃授素州曰其當
時之文與夫作為歌詩美元和聖德詩
平淮西碑也歐文忠坐責諫官貶夷陵
令與尹師魯書曰每見前世名人當論
事時感激不避誅死真若知義者及到
貶所則戚戚嗟怨有不堪之窮悲形於
文字其心驩戚無異庸人雖韓公不免
此累文忠此語豈不以公此表其詞哀
邪或又罪其不應以封禪諛帝皆非也
漢孫會宗共楊惲書曰大目廢退當合

門皇懼為可憐之意憚時為光祿勳一朝以曉昧語見廢內懷不平報會宗書語涉譏訕遂坐貶斬則公之此表

臣某言臣以狂妄贛愚愚與愚同不識禮度上表陳

佛骨事言涉不敬正名定罪萬死猶輕陛下哀

臣愚忠恕臣狂直謂臣言雖可罪心亦無他特

屈刑章以臣為潮州刺史既免刑誅又獲祿食

聖恩弘大天地莫量破腦剜心豈足為謝臣某

誠惶誠恐頓首頓首臣以今年正月十四日統

年也蒙恩除潮州刺史即日奔馳上道舊史作驛就

路經涉嶺海水陸萬里以今月二十五日到州

上訖與官吏百姓等相見具言朝廷治平天子
神聖威武慈仁子養億兆人庶無有親疎遠邇
雖在萬里之外嶺海之陬待之一如畿甸之間
輦轂之下有善必聞有惡必見早朝晚罷兢兢
業業惟恐四海之內天地之中一物不得其所
故遣刺史面問百姓疾苦苟有不便得以上陳
國家憲章完具爲治日久守令承奉詔條違犯
者鮮雖在蠻荒無不安泰閭臣所稱聖德惟知
鼓舞謹呼不勞施爲坐以無事臣某誠惶誠恐
頓首頓首臣所領州在廣府極東界上去廣府

雖云纔舊史無二千里然來往動皆經月過海

口下惡水濤瀧壯猛難計程期潮州有惡溪水

切颶風鯉魚患禍不測颶音獨遇切大風也鯉

江陵詩及州南近界一作州南漲海連天毒霧瘴

氣日夕發作臣少多病年纔五十髮白齒落理

不久長加以罪犯至重所處又極遠惡憂惶慙

悸死亡無日單立一身朝無親黨居蠻夷之地

與魑魅為群魑山神怪物苟非陛下哀而念之誰肯

為臣言者臣受性愚陋人事多所不通惟酷好

學問文章未嘗一日暫廢實為時輩所見推許

臣於當時之文亦未有過人者至於論述陛下

功德與詩書相為為舊史無為字表裏作為歌詩薦之

郊廟紀泰山之封鏤白玉之牒封泰山告太平

可及於太山上立封禪而祭之莫近神靈自黃

帝至周歷代皆有封禪而儀不存至秦漢始備

武帝元鼎中二月東封如祠大一之禮封廣

丈二尺高九尺其下有玉牒書以紀成功也張對天之宏休揚厲無前之偉績編之乎舊史

平作於字下同詩書之策而無愧措之乎天地之間而

無虧聖德詩及平淮碑而言也高自許雖使古人復生臣亦未肯多讓此已上云

可與伊尹自任以天下之意同伏以大唐受命有天下四海之內莫不臣妾南北東西地各

萬里自天寶之後

開元傳信唐開元末於函谷關得寶符白石赤文正成

字識者云桑者四十八所以示聖人壽曆之期也遂改元為天寶及帝幸蜀之歲正在四十八

年政治少懈文致未優武克不剛嬖孽

一作臣

隸蠹居某處搖毒自防外順內悖父死子代以

祖以孫如古諸侯自擅其地不貢不朝六七十

年四聖傳序以至陛下陛下即位已來躬親聽

斷旋乾轉坤關機闔開雷厲風飛日月清照天

戈所麾莫不寧順大宇之下生息理極高祖創

制天下其功大矣而治未太平也太宗太平矣

而大功所立咸在高祖之代非如陛下承天寶

之後接因循之餘六七十之外赫然興起南

面指麾而致此魏魏功治也宜定樂章以告神

明前漢禮樂志武帝定郊祀之禮乃立樂府采詩前漢禮樂志武帝定郊祀之禮乃立樂府采

郎舉司馬相如等數十人造為詩賦略論律呂以合八音之調作十九章之歌以正月上辛用

事園丘顏師古曰始置之也樂府之名蓋起於此東巡泰山奏功皇天

具著顯庸明示得意使永永年代一作萬年服我成

烈當此之時所謂千載一時不可逢之嘉會而

臣負罪嬰豐許慎切自拘海島戚戚嗟嗟日與死

迫歐陽公常與張安道言每見前世有名人在

論事時感激不遇誅死真若知義者及至此

所以感感怨差有不堪之窮悲形於文字其心

所以感感怨差有不堪之窮悲形於文字其心

作感感之文也見與尹師魯書曾不得奏薄伎於從官之內隸御之間司馬遷報任安書曰使得奏薄伎出窮思畢精以贖罪過懷痛窮天死不閉目瞻望宸極魂神飛去伏惟皇帝陛下天地父母哀而憐之無任感恩戀闕慙惶懇迫之至謹奉表陳謝以聞

賀冊尊號表

唐史帝紀元和十四年七月己丑群臣上尊号曰元和聖文神武法天應道皇帝賜文武官勳階爵遣黜陟使行于天下春明退朝錄云尊号起於唐中宗稱下應天神龍皇帝後明皇稱開元神武皇帝自後率如之
開元
古者天子之稱皇

帝王而已至秦始皇始兼皇帝然未有尊号也漢哀帝唐高宗稱聖劉天皇應天固不足法而明皇開元二十七年遂有開元聖文神武之号子孫因之以爲故事范祖禹所謂使其臣子生而加謚於君父豈不悖哉始憲宗加尊号宰相星南鑄欲兼用孝德爲号崔群獨以爲有睿聖則孝德並見憲宗聞不樂乃以爲它事罷群爲湖南觀察使書曰僕目設厓石自聖其皇南鑄之謂與公時爲潮州刺史

臣某言臣伏聞宰相公卿百官及關輔百姓耆耄等以陛下功崇德鉅天成地平宜加號於殊常以昭示於來載陳請懇到一作至于再于三陛下仰稽乾符俯順人志乃以新秋首序令月吉

辰發揚鴻休膺受顯冊天人合慶日月揚光環

海之間含生之類歡欣踊躍以舞以歌臣某誠

懽誠喜頌首頌首臣聞體仁以長人一有之謂元

乾卦文言曰元者善之長也君子體仁足以長人發而中節之謂和禮

中庸曰喜怒哀樂謂之中發而皆中謂之和無所不通之謂聖妙而

無方之謂神經緯天地之謂文戡定禍亂之謂

武尚書大禹謨乃聖乃神乃武乃文孔安國注

亂先天不違之謂法天乾卦之言曰先天而天

道濟天下之謂應道易繫辭曰道濟伏惟元和

聖文神武法天應道皇帝陛下子育億兆視之

如傷可謂體仁以長人矣喜怒以類刑賞不差
可謂發而中節矣明照無私幽隱畢達可謂無
所不通矣發號出令雲行雨施可謂妙而無方
矣三光順軌草木遂長可謂經緯天地矣除刻
寇盜宇縣清夷可謂戡定禍亂矣風雨以時祥
瑞輻湊可謂先天而天不違矣國內無飢寒四
夷皆朝貢可謂道濟天下矣衆美備具名實相
當赫赫巍巍超今冠古方當議明堂辟雍之事
明堂以班政辟雍以射農
皆太平之制事見三器論
撰泰山梁父之儀
梁父二山名也父音甫梁父者太山之支山
下者也其儀備於秦漢事見鄒城縣志詩註

搜三代之逸禮補百王之漏典時乘六龍肆觀

東后

題則乘洛龍出則乘飛龍故曰時乘六龍也岱宗太山也巡狩既祭遂見東方之國

君微臣幸生聖代觸犯刑章假息海隅死亡無

日瞻望宸極心竄飛揚有永弃之悲無自新之

望曾不得與鳥獸率舞蠻夷縱觀為比銜酸抱

痛且耻且慙無任感恩戀闕懇迫傍徨之至謹

奉表陳賀以聞

袁州謝上表

本傳云帝得潮州謝表欲復用之皇甫

鑄素忌愈直即奏言愈終狂疎可且內

移乃改袁州未幾憲宗崩穆宗即位

去

年者元和十四年今月八日十五

年春先朝憲宗時
也時穆宗即位

臣某言臣以去年正月

元和中十四年

上疏論佛骨事

先朝恕臣愚直不加大罪自刑部侍郎貶潮州

刺史伏遇其年七月十三日恩赦至其年十月

二十四日准例量移改受袁州刺史以今月八

日到任上訖

時元和中十五年正月也

臣某誠歡誠喜頓首

頓首伏以州小地狹賦稅及時人安吏循閭里

無事微臣惟當布陛下惟新之澤守國家承平

之規勸以耕桑使無怠惰而已臣以愚陋無堪

累蒙朝廷獎用掌誥西掖司刑南宮顯榮頻頌

稱効寂蔑又蒙赦其罪累授以方州德重恩弘
身微命賤無階荅謝惟積慙惶無任感恩慙惕
之至謹差軍事副將郝泰奉表陳謝以聞

賀皇帝即位表

唐史帝紀穆宗諱恒憲宗第三子元和十五年正月庚子憲宗崩辛丑遺詔皇太子即皇帝位于柩前閏月丙午皇太子即帝位于太極殿是為穆宗

臣某言伏聞皇帝陛下以閏正月三日虔奉遺

詔昭承

一作外

大位天地神祇永有依歸華夏蠻

貊永有承事神人交慶日月貞明臣某誠歡誠
喜頓首頓首臣聞王者必為天所相為人所歸

上符天心下合人志然後奄有四海以君萬邦

伏惟皇帝陛下承列聖之丕績當中興之昌運

爰自主鬯春官一作宮出易震卦彖辭不喪匕

主注云明可以堪長子之義上茲胄國學禮記

載鼎載卷香酒奉宗廟之盛太子王子群右之太子卿大孝友之美實形四

方英偉之姿久動群聽及初嗣位遐邇莫不歡

心爰降詔書老幼或至垂泣舉用俊乂流竄茲

邪雖虞舜之去四凶舉十六相不能過也四凶

窮奇疇杞饕餮十六相天下翹首以望太平天

八元八凱見左氏傳下傾心以觀至化臣某誠歡誠喜頓首頓首臣

下傾心以觀至化臣某誠歡誠喜頓首頓首臣

聞昔者堯舜以吁嗟君臣相戒以致至治周文
王憂勤日中不食以和萬民故能澤流無窮名
配日月伏惟皇帝陛下儀而象之以求多福天
下幸甚天下幸甚一本不疊天微臣往因言事
得罪先朝守郡一作守遠方拘限條例不獲奔走
稱慶闕庭無任欣歡踊躍感恩戀闕之至謹奉
表以聞

賀赦表

穆宗既即位二月丁丑大赦賜文武官
階爵高年粟帛三王後三恪文宣公嗣
王公主縣主武德配饗及第一等功臣
家子官放沒校庭者開節公時在素州

臣某言伏奉二月丁丑

五日本

制書大赦天下常

赦所不原者咸蒙除罪與之更始令得自新恩
浹幽明慶溢寰海臣某誠歡誠喜頓首頓首臣
聞王者必於嗣位之始降非常之恩所以象德
乾坤同明日月伏惟皇帝陛下文思聰明聖神
著哲發號出令雲行雨施懼刑政之或差憐鰥
寡之重困知事久之滋弊憲法訛之益甚罪人
悉原墜典咸舉生恩既及於四海和氣遂充於
八紘臣某誠歡誠喜頓首頓首微臣往因論事
獲譴海隅旋沐朝獎待罪山郡未離貶竄之地

忽逢曠蕩之恩踊躍欣歡實倍常品限以官守
不獲隨例稱慶闕庭無任感恩戀闕之至謹奉
狀陳賀以聞

賀冊皇太后表

唐史憲宗懿安皇右郭氏汾陽王子儀之孫也父暖尚昇平公主實生右穆宗之母既即位閏正月乙卯尊為皇太后

臣某言伏承

奉

一作

閏正月二十七日皇太后光

膺令典受冊宮闈歡心始自於內朝孝理遂形
於衆海臣某誠歡誠喜頓首頓首皇太后夙贊
先皇弼成至化誕生明聖續繼鴻休華育實贊

於軒圖

帝王世紀伏犧母曰華胥有巨人跡出於雷澤華胥以足履之有娠生伏犧於

成文母有光於周道

世本曰太姒者文王之妃也號曰文母亦

思渭太姜太任旦夕勤勞以進婦道文王治外

文母治內生十子太姒教誨十子自小及長常

以正道押持之卒恭惟懿德克配前芳皇帝陛下

出震承乾垂衣御極式展臣子之志以明教化

之原禮命載崇華夷同慶臣待罪外郡不獲

隨例稱賀闕庭無任踊躍欣歡之至謹奉表陳

賀以聞

賀慶雲表

元和十五年六月十六日丙戌慶雲見孫氏瑞應圖曰景雲者太平之應也一

曰慶雲非氣非煙五色氤氲謂之慶雲
此表穆宗時素州所作

臣某言臣所領州今月十六日申時有慶雲見於西北至暮方散臣及舉州官吏百姓等無不見者五采五色光華不可徧觀非煙非雲容狀詎能詳述史記天官書曰若煙非煙若雲非雲也嘉氣抱日增麗浮空不收既變化而無窮亦卷舒而莫變一作定斯為上瑞實應太平臣某誠歡誠喜頓首頓首謹按沈約宋書云慶雲五色者太平之應又據孝經援神契曰王者德至山陵則慶雲出故黃帝因之以紀事左傳曰郊子曰黃帝以雲紀官

故為雲師而雲名柱預曰黃帝軒轅氏姬姓之
始祖也受命有雲瑞故以雲紀事百官師長皆
以雲為名号籍雲氏蓋其一官也春虞舜由之
秋孔演圖云黃帝將興黃雲外於堂虞舜由之

而作歌尚書大傳云俊人百官相和而歌卿雲

月光華旦兮注又況季夏六月土正用事其日
太卿當為慶

丙戌亦主於土西北方者京師所在土為國家

之德祥見京師之位既徵於古又驗於今伏惟

皇帝陛下德合覆載道光軒虞帝王世紀曰黃

熊國君也居軒轅之丘故号嗣位之初禎祥繼

至昇平之符既兆仁壽之域已躋微臣往在先

朝以論事得罪身居貶黜之地目覩殊常之慶

抃躍欣幸實倍常情伏乞宣示一作宣付史官以彰
聖德所致瞻戀闕庭心魂飛馳并圖奉進無任
欣抃踴躍之至謹差某官奉表陳賀以聞一無以聞

舉張惟素自代狀

公時為國子祭酒舉以自代元和十五年冬也

中散大夫守左散騎常侍上柱國賜紫金魚袋
張惟素右伏准建中元年正月五日制常參官
上後三日舉一人自代者前件官文學治行衆
所推與累歷中外資考已深和而不同靜而有
守敦厚退讓可以訓人臣所不如輒舉自代謹

錄奏聞

舉韓泰自代狀

時守素州補韓泰八州司馬之一字
安平正元十一年進士為人有籌畫能
史大事任文敗一再貶處
州司馬其後終湖州刺史

使持節漳州諸軍事守漳州刺史韓泰右伏准
建中元年正月五日制常參官及刺史受上訖
三日內舉一人自代者前件官詞學優長才器
端實早登科第亦更臺省往因過犯貶黜至今
十五餘年自領漳州悉心為治官吏懲懼不敢
為非百姓安寧並得其所臣在潮州之日與其

一作素州界相接臣之政事遠所不如乞以代臣庶為允當謹錄奏聞

慰國哀表

陳洪志憲宗暴崩人皆言內官陳洪志弑逆史氏諱而不書於是范祖禹唐監曰陳洪志弑憲宗而穆不弑故舊史於憲宗之崩疑以傳疑後文宗謀誅宦者本計元和之亂宣宗追怨穆宗以為豫謀窮治逆黨誅之殆盡其後子孫皆以為弑則無疑也臣改正故事曰為陳洪正所弑

臣某言伏奉正月二十七日詔書大行皇帝憲宗奄弃萬國承詔哀惶號踴無地伏惟聖情何可堪處大行皇帝功濟寰區仁霑動植奉諱之日

率土崩心凡在臣子不勝殞裂伏惟陛下痛貫
宸極聖情難居臣拘守遠郡不獲匍匐奉慰
望闕庭且悲且戀謹奉表陳慰以聞

薦張籍狀

籍用是自校書除國博故籍祭詩云
蓋籍自博士
遷水曹外郎

登仕郎守秘書省校書郎張籍右件官學有師
法文多古風沉默靜退介然自守聲華行實光
映儒林臣當司見闕國子監博士一貢生徒藉
其訓道伏乞天恩特授此官以彰聖明一作崇

儒尚德之道謹錄奏聞伏聽勅旨

請上尊號表

補 穆紀長慶元年七月群臣上尊號
曰文武孝德皇帝此表公為國子祭酒

所作

臣某言臣得所管國子太學廣文四門及書算
律等七館學生沈周封等六百人狀稱身雖微
賤然皆以選擇得備學生讀六藝之文修先王
之道粗有知識皆由上恩天子整齊乾坤出入
神聖經營乎無為之業游息乎混元之宮道家
元經上下篇其言曰聖人通玄元混氣不謀于
以守其身俗人以清愛貪欲以守其身

廷不戰于野坐收異部旋定幽都

按唐紀憲宗元和十五年

成德軍使王承元以鎮趙深冀四州歸于有司時穆宗已即位聽政長慶元年二月盧龍軍使

劉總以幽州歸于有司

析木天街星宿清潤

後漢志黃帝推分星次以定律度自尾十度至斗十度百二十五分而終曰析木之次於辰在

寅今燕分野九十有二次日月之所躔也星經曰昴西二星曰天街三光之道主伺候開梁中

外之境春秋元命苞曰昴畢為天北岳醫閭神街散為冀州分為趙國立為恒山

鬼受職

周官正北曰井州其山鎮曰恒山東北曰崑崙州其山鎮曰醫無閭注云恒山在

定州常陽縣東北地彌天區界軼海外軼過也

之十有二州周之千七百國章亥所步禹契所

書

尚書舜典曰肇十有二州孔安國云肇始也禹治水之後舜分冀州為幽州并州又介清

州為營州始建十七州後漢志曰周克商制五
等之封凡千七百七十三國山海經曰禹使大
章步自東極至于西垂二億三萬三千三百里
七十一步又有豎亥步南極北盡於北垂二億
三萬三千五百里七十五步四許氏曰大章堅
二萬八千里南北二萬六千里許氏曰大章堅
亥皆善行人禹臣也司馬長卿子虛賦云萬物
鮮介不可勝訖禹不能名尚不能計注云禹善
分別草木尚善算者也尚古契字

四面輻湊各脩貢職西戎之

首北虜之渠怛威愧德失據狼狽收其種落逃

遁遠去來獻羊馬千里不絕功既如此德又如

彼爰初嗣位首去茲孽

謂逐皇南蠻為崖州司戶并逐李道古也

所指顧

一本顧宿

應時清寧哀天下之鰥寡釋四海

之鬱結左右前後莫匪俊良小大之材咸盡其

用無所誅詰一和以仁由是五穀歲登百瑞時

見六府三事惟叙惟歌

尚書大禹謨曰水火金
木土穀惟濟正德利用

厚生惟和九功惟叙九叙惟歌孔安國曰言六府三事之功有次叙皆可歌樂也

壯日者

媧皇殺黑龍以濟冀州

極廢九州裂天不兼覆

女媧不周載火燬炎而不滅水浩洋而不息
女媧救黑龍以濟冀州積蓋灰以止淫水

止雨清朝也興九州中謂今四海之內帝王世以

紀曰女嬃氏風姓也蜺身
首一曰女帝是為女皇
堯誅九嬰以定天下

水火之怪為人害者此狢之地有兇水血與

元刃僅就厥功以方五君
仁遠也棄之在位

七十餘載形骸容槁以至平江尚書子三之取

1

自去三年有成

論語載孔子之言曰苟有用我者期月而已可也三年有成

曰言誠有用我於政事者期月而

可以行政教必三年乃有成功

而今自嗣位已

來歲有餘耳臻此功德其何捷哉

置郵傳命未

足以諭

孟子載孔子之言曰德之流行遠於以置郵而傳命郵音尤境上行書舍也以

非常之功襲尋常之號以冠古之美屈守文之

臣子之誠闕而不奏天號人稱不滿事實斯

亦搢紳先生之過也謂臣官居師長不言謂何

者其所陳中於義理天人合願不謀而同非臣

之愚所敢隱蔽冒死以聞伏乞天恩特允誠志

令公卿大夫得竭思慮取正於經以定大號有

司備禮擇日以頒天下幸甚天下幸甚臣某誠
惶誠恐

舉韋顗自代狀

補註韋顗字周仁自鄆縣尉判入等授
萬年尉歷御史補欽與李約李正辭更
進諷諫數移大事裴相韋貫之李絳崔
群蕭悅皆布衣舊繼為相朝廷典章多
所咨逮堂曰吾儕五人智不及一韋公
長慶初為大理少卿公其年七月自祭
酒除兵侍上即舉
顗自代終吏部

中散大夫守大理少卿驍騎尉韋顗右伏准建
中元年正月五日制常參官上後三日舉一人
自代者前件官學識該達器量弘深朝推直道

代仰清節顯映班序十五年餘夷險一致風猷益茂屈居少列未副群情文昌政本侍郎官重

史記天官書計厯戴六星曰文昌一上將二次將三貴相四司命五司中六司祿晉志云天之

六符也主計集天道今尚書省分建六官曰吏戶禮兵刑工其義取此每部尚書一人侍郎二

人尚德之舉顓宜當之乞迴臣所授庶弭官謗

謹錄奏聞謹奏

新刊經進詳補註昌黎先生文集卷第三十九

新刊經進詳補註昌黎先生文卷第四十

狀表牒

論孔戣尚書致仕狀

補註公嘗誌戣墓正論此
上疏留戣事新史亦書之

某官某 右臣與孔戣同在南省為官通典曰

書省為南省省門下中書為北省亦謂門下
省為左省中書為右省通或謂之兩省數得

相見戣為人守節清苦議論平正今年纔七十

筋力耳目未覺衰老憂國忘家用意深遠所謂

朝之耆德老成人者臣知戣上疏求致仕故往

看戣戣為臣言已蒙聖主允許伏以陛下優賢

尚齒

禮記祭義曰虞夏商周貴德而尚齒

見幾類上三疏言辭懇

到重違其意遂即許之此誠陛下仁德之至然

如幾輩在朝不過三數人實可為國愛惜自古

以來及聖朝故事年雖八九十但視聽思慮苟

未昏錯尚可顧問委以事者雖求退罷無不勤

勤留止優以祿秩不聽其去以明人君貪賢敬

老之道也禮曰大夫七十而致仕若不得謝則

賜之几杖安車

禮記致仕作致事鄭氏注云致其所掌之事而告老謝猶職也

君必有命勞苦辭謝之其有德尚壯則不聽爾七十求退人臣之常禮

若有德及氣力尚壯則君優而留之不必年過

七十盡許致仕也詩曰雖無老成人尚有典刑

大雅蕩之詩傳曰老成人舊故之臣典刑常法此言老成人重於典刑

不可不惜而留也今殘幸無疾疹但以年當致仕據禮求退陛下若不聽許亦無傷於義而有

貪賢之美况左丞職事亦極清簡

通典曰左右丞分掌六尚

書事左丞掌管轄諸司糾正省內吏部戶部禮部等十二司通判都省事若殘尚以

繁要為辭自可別授秩崇而務省者今中外之

臣有年過於殘尚未得退殘獨何人得遂其願

然人皆求進殘獨求退尤可賢重臣所領官無

事不敢請對蒙陛下厚恩苟有所見不敢不言

伏望聖恩特垂察納謹錄奏聞謹奏

舉馬惣自代狀

長慶六年六月辛卯補註惣以長慶三年自天平軍節度使入爲戶部公其年六月除京兆尹既上舉以自代

銀青光祿大夫檢校尚書右僕射兼戶部尚書馬惣右伏准建中元年正月五日制常參官上後三日舉一人自代者臣伏以近者京尹用人稍輕所以市井一作畿甸之間盜賊未斷郊野之外疲瘵尚多前件官文武兼資寬猛得所累更方鎮皆有功能若以代臣實爲至當謹錄奏聞

謹奏

賀雨表

公時為京兆尹長慶三年也公在位不過數月而表云嘉穀膏腴根葉肥潤抽莖展穗不失時宜其九月十月之交乎蓋以季夏之旱秋收得雨所以賀也

臣某言臣聞聖人之德與天地通誠發於中事
應於外始聞其語今見其真臣誠歡誠喜頓首
頓首伏以季夏以來雨澤不降臣職司京邑祈
禱實頻備註按公集有祭竹林神文曲江祭龍
文皆以京兆尹禱雨其後李習之狀公
行書其尹京兆去青天湛然旱氣轉甚陛下閔
旱米價不敢上
茲衆庶有事山川中使纔出於九門陰雲已垂

於四野龍神効職雲雨應期嘉穀奮興根葉肥潤吳張士然表曰春雨潤木自素流根抽莖展穗不失時宜人和年豐莫大之慶微臣幸蒙寵任獲覩殊祥慶抃歡呼倍於常品無任踴躍之至謹奉表陳賀以聞

賀太陽不虧表

公長慶三年六月辛卯拜京兆尹十月癸巳政兵部侍郎而此表云同天堊奏云今月一日太陽不虧考之紀志皆不見其事獨書九月朔壬子日有食之則所謂今月一日者其十月一日歟蓋九月朔日食十一月朔當虧不虧故此表有裁發於中早銷於上之說

司天臺奏今月一日太陽不虧 右司天臺奏
今日辰外間太陽合虧陛下敬畏天命克已修
身誠發於中災銷於上自外及已當虧不虧雖
隔陰雲轉更明助比於常日不覺有殊夫且不
違慶孰爲大臣官忝京尹親觀殊祥欣感之誠
實倍常品謹奉狀陳賀以聞謹奏

舉張正甫自代狀

正甫字踐方南陽人登進士第終吏部
尚書仁而端亮涖官清強居外任所至
稱理舊史有傳公時爲兵部侍郎長慶
三年十月癸巳也既上舉以自代公爲
兵部者再前則舉韋顓補註公爲兵部
者再吏侍者再其迁吏部而繼爲京尹

也李紳爭堊參復以公爲兵侍而出紳江西已而紳留爲兵侍而公復爲史

侍

通議大夫守右散騎常侍上柱國南陽縣開國子食邑五百戶賜紫金魚袋張正甫 右臣蒙恩除尚書兵部侍郎伏准建中元年正月五日制常參官上後三日舉一人自代者前件官稟正直之性懷剛毅之資嫉惡如仇讎見善若飢渴備更內外初有名聲年齒雖高氣志逾愈一作勸其貧苦節不愧神明可謂古之老成朝之碩德久處散地實非所宜乞以代臣以副公望謹

錄奏聞謹奏

袁州申使狀

王元之常荅丁晉公書云吾見退之為
袁州時故事觀察使牒部刺史皆曰故
牒時王仲舒廉聞江西以吏部巨賢特
自損曰謹牒而退之致書懇請以為宜
如舊制夫如是到之可謂當官而行何
強之有者也蓋仲舒以元和十五年六
月為江南西道觀察使下管八州袁屬
治州所公其袁州刺史也
與丁晉公書以為公論謹
牒及爭不臺參事皆是也

使司牒州牒 右自今月二日後每奉公牒牒

尾故牒字皆為謹牒字有異於常初不敢陳論
以為錯誤今既頻奉文牒前後並同在愈不勝

戰懼之至伏乞仁恩特令改就常式以安下情
謹奉狀陳謝謹錄狀上

國子監論新注學官牒

補國元和十五年冬為祭酒所論也李
習之狀公行曰公奏儒生為學官日使
會講生徒多奔走聽聞皆喜曰韓公來
為祭酒國子監不寂寞矣皇甫湜神道
碑亦云

國子監應今新注學官等牒准今年赦文委國
子祭酒選擇有經藝堪訓導生徒者以充學官
近年吏部所注多循資叙不考藝能至令生徒
不自勸勵伏請非專通經傳博涉文史及進士

五經諸色登科人不以比擬其新授官上日必
加研試然後放上以副聖朝崇儒尚學之意具
狀牒上吏部仍牒監者謹牒

黃家賊事宜狀

唐史南蠻傳正元十年黃洞首領黃少
卿者攻陷嶺南前後十二州德宗命唐
州刺史陽旻為容管經略招討使引師
掩賊一日六十七戰皆破之故地盡復至
元和初又叛十一年屠巖州桂管觀察
使裴行立輕其軍首請發兵討之自是
邕容兩道死者十八以上貴調關亡由
陽裴二人當時莫不咎之長慶初以嚴
公素為容管經略使復上表請討黃氏
愈以兵部侍郎建言云云不納至敬宗
時黃昌瓚始歸款請降開元新史以公
此狀為兵侍時所上而溫公則云孫酒

當以通
監為正

右臣伏以臣去年貶嶺外刺史其州雖與黃家
賊不相隣接然見往來過客并諸知嶺南一作外
事人所說至精至熟其賊並是夷獠亦無城郭
可居依山傍險自稱洞主衣服言語都不似人
尋常亦各營生急則屯聚相保此緣邕管經略
使多不得人德既不能綏懷威又不能臨制侵
欺虜縛以致怨恨蠻夷之性易動難安遂至攻
劫州縣侵暴平人或復私讎或貪小利或聚或
散終亦不能為事近者征討本起於裴行立陽

是此時

時一無字

兩人者本無遠慮深謀意在邀功

求賞亦緣見賊未屯聚之時將謂單弱立可摧

破爭獻謀計惟恐後時朝廷信之遂允其請自

用兵以來已經二年前後所奏殺獲計不下萬

餘人

一作一

作二

萬人

儻皆非虛賊已尋盡至今

賊猶依舊足明欺罔朝廷邕容兩管內

一作因經

此凋弊殺傷疾疫十室九空百姓怨嗟如出一

口陽旻行立相繼身亡寔由自邀功賞造作兵

端人神共嫉

一作怒

以至殃咎陽旻行立事既已

往今所用嚴公素者亦非撫御之才不能別立

規模依前還請攻討

按唐紀元和十五年八月乙酉容管經略留後嚴公

素及黃洞蠻戰于神步敗之時穆宗未改年号如此不已臣恐嶺南一

道未有寧息之時一昨者併邕容兩管為一

道深合事宜

元和十五年廢邕管經略使嶺南五管見送鄭權序然邕州

與賊逼近容州則甚懸隔其經略使若置在邕

州與賊隔江對岸兵鎮所處物力必全一則不

敢輕有侵犯一則易為逐便控制今置在容州

則邕州兵馬必少賊見勢弱易生姦心伏請移

經略使於邕州其容州但置刺史實為至便一

比者所發諸道南討兵馬例皆不諳山川不服

水土遠鄉羈旅疾疫殺傷臣自南來見說江西
所發共四百人曾未一年其所存者數不滿百
岳鄂所發都三百人其所存者四分纔一續添
續死每發倍難若令於邕容側近召募添置千
人便割諸道見供行營人數糧賜均融充給所
費既不增加而兵士又皆便習長有守備不同
客軍守則有威攻則有利 一自南討已來賊
徒亦甚傷損察其情理厭苦必深大抵嶺南人
稀地廣賊之所處又更荒僻假如盡殺其人盡
得其地在於國計不爲有益容貸羈縻比之禽

獸來則捍禦去則不追亦未虧損朝廷事勢以
臣之愚若因改元大慶赦其罪戾遣一郎官御
史親往宣諭必望風降伏謹呼聽命仍為擇選
有材用威信諳嶺南事者為經略使處置得宜
自然永無侵叛之事

應所在典貼良人男女狀

本傳云素人以男女為隸過期不贖則
沒入之愈至悉計傭得贖所沒歸之父
母七百餘人因與約禁其為隸
狀在還朝之後作行狀神道碑
皆書之

應所典貼良人男女等 右准律不許典貼良

人男女作奴婢驅使臣往任袁州刺史日檢到

州界內得七百三十一人並是良人男女准律

例計傭折直

傭音庸功傭也

一時放免原其本末或因

水旱不熟或因公私債負遂相典貼漸以成風

名目雖殊奴婢不別鞭笞役使至死乃休既乖

律文寔虧政理袁州至小尚有七百餘人天下

諸州其數固當不少今因大慶伏乞令有司重

舉舊章一皆放免仍勒長吏嚴加檢責如有隱

漏必重科懲則四海蒼生孰不感荷聖德以前

件如前謹具奏聞伏聽勅旨謹奏

公元和十五年九月二十五

計

二日自素州召入為國子祭酒
因大慶謂明年長慶改元赦云

論淮西事宜狀

元和中九年閏八月彰義軍節度使
吳少陽卒其子元濟自立憲宗詔諸道
兵討之十年遣御史中丞裴度視師及
還奏兵可用賊勢可滅頗與宰相意忤
既而盜殺宰相又害中丞不克憲宗遂
相度以主東兵自安祿山起范陽陷兩
京河南北七鎮節度使身死則立其子
作軍士表以請朝廷因而與之及正元
季年雖順地節將死多即軍中取行軍
副使將校以授之節習以成故矣朝廷
之賢士皆於所安以苟不用兵為貴議
多與裴丞相異公時為中書舍人以為
盜殺宰相而遂息兵其為儒甚大乃上
淮西事宜且謂以天下力取三州尚何
有不可使之者以定事致公太子右庶子

十二年秋度爲淮西節度使以公爲行
軍司馬卒從度平蔡還事見李習之行
狀皇甫持正神道碑及新傳而行狀謂
公以考功郎中知制誥爲此神道碑及
新傳謂公以中書舍人考功郎中知制
誥則十年中書舍人則十一年也今以

神道碑
及新傳

右臣伏以淮西三州之地自少陽疾病去年春
夏已來圖爲今日之事有職位者勞其計慮撫
循奉所役者修其器械防守金帛糧畜置于賞
給執兵之卒四向侵掠農夫織婦皆携持幼弱
餉於其後雖時侵掠少有所得力盡筋疲不償
其費又聞畜馬甚多自半年以來皆上槽櫪磨

如有人雖有十夫之力自朝及夕常自大呼跳躍初雖可畏其勢不久必自委頓乘其力衰三尺童子可使制其死命況以三小州殘弊困劇之餘而當天下之全力其破敗可立而待之無_一字也然所未可知者在陛下斷與不斷耳夫兵不多則不足以取勝取_{必一作}勝之師必在速戰兵多而戰不速則所費必廣兩界之間疆場之上日相攻劫必有殺傷近賊州縣徵役百端農夫織婦不得安業或時小遇水旱百姓愁苦當此之時則人人異議以惑陛下之聽矣陛下持

之不堅半途而罷傷威損費爲弊必深所以要先決於心詳度本末事至不惑乃可圖功爲統帥者盡力行之於前而參謀議者盡心奉之於後內外相應其功乃成昔者殷高宗大聖之主也以天子之威伐背叛之國三年乃尅不以爲遲既濟卦九三爻辭曰高宗伐鬼方三年克之史記武丁興殷廟号高宗志在立功不計所費傳曰斷而後行鬼神避之遲疑不斷未有能成其事者也臣謬承恩寵獲掌綸誥地親職重不同庶寮輒竭愚誠以効裨補謹條次平賊事宜一一如後

一諸道發兵或三二千人勢力單弱羈旅異鄉
與賊不相諳委望風懾懼難便前進所在將帥
以其客兵雜一作難處指使先不撫存優卹待之
既薄使之又苦或被分割隊伍隸屬諸頭士卒
本將一朝相失心孤意怯難以有功又其本軍
各須資遣道路遼遠勞費倍多士卒有征行之
艱閭里懷離別之思今聞陳許安唐汝壽等州
與賊界連接處村落百姓悉有兵器小小俘劫
皆能自防習於戰鬪識賊深淺既是土人護惜
鄉里比來未有處分猶願自備衣糧共相保聚

以備寇賊若令召募立可成軍若要添兵自可
取足賊平之後易使歸農伏請諸道先所追到
行營者悉令却歸本道據牒一作行字所追人
額器械弓矢一物已上悉送行營充給所召募
人兵數既足加之教練三數月後諸道客軍一
切可罷比之徵發遠人利害懸隔一作一統一作
逆賊州縣堡柵等各置兵馬都數雖多每處則
兵至少又相去闊遠難相應接所以數被攻劫
致有損傷今若分爲四道每道各置三萬人擇
要害地屯聚一處使有隱然之望晉書周處隱然若一敵國

詩傳曰隱
雷聲也

審量事勢乘時逐利可入則諸道一

時俱發使其狼狽驚惶首尾不相救濟若未可
入則深壁高壘以逸待勞自然不要諸處多置
防備臨賊小縣可收一云收泊百姓於便地作行縣
以主領之使免散失 一蔡州士卒爲元濟迫
脅勢不得已遂與王師交戰原其本根皆是國
家百姓進退皆死誠可憫傷宜明勅諸軍使深
知此意當戰鬪之際固當一作宜以盡敵爲心若
形勢已窮不能爲惡者不須過有殺戮喻以聖
德放之使歸銷其兇悖之心貸以生全之幸自

然相率棄逆歸順

一論語曰欲速則不達見

小利則大事不成比來征討無功皆由欲其速捷有司計筭所費苟務因循小不如意即求休罷河北淮西等見承前事勢知國家必不與之持久併力苦戰幸其一勝即希異恩赦朝廷無至忠憂國之人不惜傷損威重因其有請便議罷兵近一作往日之事乘昏然也臣愚以爲淮西三小州之地元濟又甚庸愚而陛下以聖明英武之姿用四海九州之力除此小寇難易可知太山壓卵未足爲喻

出晉書何無忌傳

一兵之勝負

實_三在賞罰賞厚可令廉士動心罰重可令凶人
喪魄然可集事不可愛惜所費憚於行刑

一淄青怕冀兩道

齊趙兩鎮時李師道王承宗也

與蔡州氣類

略同今聞討伐元濟人情必有救助之意然皆
闇弱自保無暇虛張聲勢則必有之至於分兵
出界公然爲惡亦必不敢宜特下詔云蔡州自
吳少誠已來相承爲節度使亦微有功效少誠
之歿朕亦本擬與元濟恐其年少未能理事所
以未便處置待其稍能緝綴然擬許其承繼今
忽自爲狂勃侵掠不受朝命事不得已所以有

此討伐至如淄青恒州范陽等道范陽幽州劉德祖父各有功業相承命節制年歲已久朕必不利其土地輕有改易各宜自安如妄自疑懼敢相扇動朕即赦元濟不問回軍討之自然破膽不敢妄有異說以前件謹錄奏聞伏乞天恩特賜裁擇謹奏

論變鹽法事宜狀

唐史食貨志自兵興河北鹽法騷素而巳至皇甫鑄又奏置推鹽使如江淮推鹽法犯禁歲多及田洪正舉魏傅歸朝廷穆宗命河北罷推鹽戶部侍郎張平以議推鹽法弊請官自糶鹽可以富國詔公卿議其可否中書舍人韋處厚兵

部侍郎韓愈條詰之以為不可平叔屈
服按白居易集平叔以長慶二年三月
除戶部侍郎判度支有制詞東坡公曰
樂天制詞云吾坐而史事丞相以下不
過四五人而主計之臣在焉以此知唐
制主計蓋坐而論事也不知四五人者
悉何人平叔議蓋法至為苛刻事見退
之集樂天制詞亦云計能析秋毫吏畏
如夏日度其詞必小人也平叔吳郡人
贈工部尚書諱誠之子亦見居易集補
註平叔利害凡十八條公隨條分并而
處厚發十難以折之其後劉夢得序其
集云發十難以摧言
利者其辨似管夷吾

張平叔所奏鹽法條件 右奉勅將變鹽法事

貴精詳宜令臣等各陳利害可否聞奏者平叔
所上變法條件臣終始詳度恐不可施行各隨

本條分析利害如後

一件平叔請令州府差

人自糶官鹽收實估正段

糶賣也音他弔切俗作果非是

省司

准舊例支用自然獲利一倍以上者臣今通計

所在百姓貧多富少除城郭外有見錢糶鹽者

羅買也亭歷切

十無二三多用雜物及米穀傳易鹽商

利歸於已無物不取或從賒貸外斗

賒詩遮切貸他代切

約以時熟填還用此取濟兩得利便今令州縣

人吏坐鋪自糶利不關已罪則加身不得見錢

及領段物恐失官利必不敢糶變法之後百姓

貧者無從得鹽而食矣求利未得歛怨已多自

然坐失鹽利常數所云獲利一倍臣所未見

一件平叔又請鄉村去州縣遠處令所由將鹽就村糶易不得令百姓關鹽者臣以爲鄉村遠處或三家五家山谷居住不可令人吏將鹽家至戶到多將則糶貨不盡少將則得錢無多計其往來自充糧食不足比來商人或自負擔斗石往與百姓博易所冀平價之上利得三錢兩錢不比所由爲官所使到村之後必索姓字一有百供應所利至少爲弊則多此又不可行者也

一件平叔云所務至重湏令廟堂宰相充使臣

以爲若法可行不假令宰相充使令不可行雖

宰相爲使無益也

下一無充使以

又宰相者所以

臨察百司考其殿最若自爲使縱有敗闕遣誰

舉之此又不可者也

一件平叔又云法行之

後停減鹽司所由糧課年可收錢十萬貫臣以

爲變法之後弊隨事生尚恐不登常數安得更

望贏利

一件平叔欲令府縣糶鹽每月更加

京兆尹料錢百千司錄及兩縣令每月各加五

十千其餘觀察及諸州刺史縣令錄事參軍多

至每月五十千少至五千三千者臣今計此用

錢已多其餘官典及巡察手力所由等糧課仍
不在此數通計所給每歲不下十萬貫未見其
利所費已廣平叔又云停鹽司諸色所由糧課
約每歲合減得十萬貫錢今臣計其新法亦用
十萬不啻減得十萬却用十萬所亡所得一無
贏餘也平叔又請以糶鹽多少爲刺史縣令殿
最多者遷轉不拘常例如闕課利依條科責者
刺史縣令職在分憂今惟以鹽利多少爲之外
黜不復考其治行非唐虞三載考績黜陟幽明
之義也 一件平叔請定鹽價每斤三十文又

每二百里每斤價加收二文以充腳價量地險
易遠近加至六文腳價不足官與出名爲每斤
三十文其實已三十六文也今鹽價京師每斤
四十文諸州則不登此變法之後祇校數文於
百姓未有厚利也腳價用五文者官與出三文
用十文者官與出四文是鹽一斤官糴得錢名
爲三十其實斤多得二十八少得二十六文折
長補短每斤收錢不過二十六七百姓折長補
短每斤用錢三十四則是公私之間每斤常失
七八文也下不及百姓上不歸官家積數至多

不可遽筭以此言之不為有益平叔又請令所

在及農隙時併召車牛般鹽送納都倉不得令

有關絕者儻或二字無上州縣和雇車牛百姓必

無情願事湏差配然付腳錢百姓將車載鹽所

由先皆無檢齊集之後始得載鹽及至院監請

受唐志貞元二年鹽鐵使第五琦初交鹽就山

又湏待其輪次不用門戶皆被停留輸納之時

人事又別凡是和雇無不皆然百姓寧為私家

載物取錢五文不為官家載物取十文錢也不

和雇則無可載鹽和雇則害及百姓此又不可

也 一件平叔稱停減鹽務所由收其糧課一

歲計得十萬貫文今又稱既有巡院

唐志劉晏立推鹽法

自淮置巡院十三以捕私鹽姦盜為之裴息請量閑剩留官吏於倉

場勾當要害守捉少置人數優卹糧料嚴加把

捉如有漏失私糶等並准條處分者平叔所管

鹽務所由人數有幾量留之外收其糧課一歲

尚得十萬貫此又不近理也此來要害守捉人

數至多尚有漏洩私糶之弊今又減置人數謂

能私鹽斷絕此又於理不可也 一件平叔云

變法之後歲計必有所餘日用還恐不足請一

年已來且未責以課利後必數倍校多者此又
不可方今國用常言不足若一歲頓闕課利爲
害已深雖云明年校多豈可懸保此又非公私
蓄積尚少之時可行者也 一件平叔又云浮
寄茲猾者轉富土著守業者日貧若官自糶鹽
不問貧富貴賤士農工商道士僧尼并兼游惰
因其所食盡輸官錢并諸道軍諸使家口親族
迺相影占不曾輸稅若官自糶鹽此輩無一人
遺漏者臣以此數色人等官未自糶鹽之時來
糶鹽而食不待官自糶然後食鹽也若官不自

糴鹽此色人等不糴鹽而食官自糴鹽即糴而食之則信如平叔所言矣若官自糴與不自糴皆常糴鹽而食則今官自糴亦無利也所謂知其一而不知其二見其近而不見其遠也國家推鹽糴與商人商人納推糴與百姓則是天下百姓無貧富貴賤皆以輸錢於官矣不必與國家交手付錢然後爲輸錢於官也 一件平叔

去初定兩稅時

唐志開元以後盜起兵興財用益屈而租庸調法弊自代宗始

以畝定稅而餉以夏秋至緡一匹直錢三千今德宗相揚炎遂作兩稅法

緡一匹直錢八百百姓貧虛或先取粟麥價及

至收獲悉以還債又充官稅顆粒不殘若官中糶鹽一家五口所食鹽價不過十錢隨日而輸不勞驅遣則必無舉債逃亡之患者臣以爲百姓困弊不皆爲鹽價貴也今官自糶鹽與依舊令商人糶其價貴賤所校無多通計一家五口所食之鹽平叔所計一日以十錢爲率一月當用錢三百六十是則三日食鹽一斤一月率當十斤新法實價與舊每斤不校三四錢以下通計五口之家以平叔所約之法計之賤於舊價日校一錢月校三十不滿五口之家所校更少

然則改用新法百姓亦未免窮困流散也初定稅時一匹絹三千今只百百假如特變鹽法絹價亦未貴貴五口之家因變鹽法日得一錢之利豈能便免作債收穫之時不被徵索輸官稅後有贏餘也以臣所見百姓困弊日久不以事擾之自然漸校不在變鹽法也今絹一匹八百百姓尚多寒無衣者若使匹直三千則無衣者必更衆多况絹之貴賤皆不緣鹽法以此言之鹽法未要變也

一件平叔云每州糴鹽不少長吏或有不親公事所由浮詞云當界無人糴鹽臣卽請差清強巡官

檢責所在實戶據口團保給一年鹽使其四季輸
納鹽價口多糶少及鹽價遲違請停觀察使見任
改散慢官其刺史已下貶與上佐其餘官貶遠處
者賦字無平叔本請官自糶鹽以寬百姓令其蘇息
免更流亡今令責實戶口團保給鹽令其隨季輸
納鹽價所能爲也人之非前意也賦字無百姓貧家
食鹽至少或作小或有淡食動經旬月若據口給鹽
依時徵價或無字辦與不辦並須納錢遲違及違條
件觀察使已下各加罪譴或作於官吏畏罪必用威
刑臣恐因此所在不安百姓轉致流散此又不可

之大者也

一件平叔請限商人鹽納官後不得輸於諸軍諸
使覓職掌把錢捉店看守莊磴對以求影庇請
令所在官吏嚴加防察防誠如有違犯應有資財
並令納官仍牒送府縣充所由者臣以爲鹽商納
榷作爲官糶鹽子父相承坐受厚利比之百姓
實則校優批今補隨之今旣奪其業又禁不得求
覓職事及爲人捉錢把店看守莊磴不知何罪一
朝窮蹙之也斯作若必行此則富商大賈必生怨
恨或收市寶逃入反側之地以資寇盜此又不可

不慮者也或作

一件平叔云

叔字之疑當有云補足或行此策後兩市

軍人富商大賈或行財賄邀截喧訴請令所由切
加收如獲頭首所在決殺連狀聚衆人等各決脊
杖二十檢責軍司戶鹽如有隱漏並準府縣例科
決并賞所由告人者此一件若果行之不惟大失
心兼亦驚動遠近不知糴鹽所獲幾何而害人蠹
政其弊實甚

以前件狀奉今月九日勅令臣等各陳利害者謹
錄奏聞伏聽勅旨

一文集卷第四十終